

IX CONCURSO LITERARIO INFANTIL E XUVENIL SOBRE A PROTECCIÓN DE DATOS

Xénero: conto ou relato curto.

Aberto a: nenas e nenos de 5º e 6º de Primaria e de 1º a 4º de ESO, ambos inclusive.

Entidades convocantes: Consellería de Educación, Ciencia, Universidades e Formación Profesional da Xunta de Galicia e Colexio Profesional de Enxeñaría en Informática de Galicia (CPEIG).

BASES

A Consellería de Educación, Ciencia, Universidades e Formación Profesional da Xunta de Galicia e o Colexio Profesional de Enxeñaría en Informática de Galicia (CPEIG) convocan o “IX Concurso literario infantil e xuvenil sobre a protección de datos”.

Ambas as dúas institucións consideran de moita importancia que a sociedade galega tome conciencia da necesidade de incorporarse á cultura da protección de datos, nomeadamente os menores de idade. Cómpre promover o coñecemento entre a cidadanía sobre cales son os seus dereitos e responsabilidades en materia de protección de datos.

1.- Poderán participar todos os rapaces e rapazas de 5º e 6º de Primaria e 1º a 4º de ESO de idade, ambos inclusive, estudantes en centros escolares sostidos con fondos públicos de Galicia.

2.- O xénero literario será artigo periodístico, exposición divulgativa (entrada de blogue ou artigo de divulgación), conto ou relato curto. Como liñas condutoras destes traballos pódense considerar as seguintes, sen quedar limitadas:

- *¿Que é para ti a protección de datos?*
- *¿Como afecta a protección de datos no teu día a día?*
- *Protexe os teus datos, protexe a túa privacidade, protéxete.*
- *¿Que acontecería se houberse protección de datos no conto da Carapuchiña Vermella?*
- *Protexer os datos nas redes sociais, ¿é importante?*
- *¿Como protexes os teus datos?*

O referente será o Protocolo de Protección de Datos da Consellería de Educación, Ciencia, Universidades e Formación Profesional (*educonvives.gal*) e as publicacións da Axencia Española de Protección de Datos (*www.agpd.es*).

3.- As persoas participantes deberán achegar obras inéditas en lingua galega.

4.- Os traballos deberán presentarse en formato dixital en PDF, cunha extensión de entre 1.000 e 2.000 palabras para as categorías de 1º e 2º de ESO, e 3º e 4º de ESO, e de entre 800 e 1.000 palabras para a categoría de 5º e 6º de Primaria. Cada concursante poderá presentar ao certame cantos traballos desexe.

Este traballo será presentado baixo pseudónimo.

No mesmo correo electrónico remitiranse dous documentos:

- Unha folla na que se indiquen:
 - pseudónimo de presentación
 - os datos do autor ou autora (nome e apelidos, centro, curso e grupo, titor/a e teléfono e correo de contacto do centro educativo)
- A obra presentada a concurso (formato PDF), que terá por toda identificación o pseudónimo.

Non se poderá incluír ningunha outra información identificativa nin do autor/a nin do centro nas follas restantes, ou na obra presentada.

5.- As persoas titoras enviarán os traballos do seu alumnado segundo o establecido no punto anterior ao correo electrónico premioliterario@cpeig.gal.

6.- Os membros do xurado serán nomeados polas entidades convocantes.

7.- Os traballos recibiranse ata as 15:00 horas do día 28 de febreiro de 2024.

8.- O xurado terá a facultade de declarar deserto o premio e de ampliar o número de premios e mencións atendendo á calidade dos traballos presentados. O fallo do xurado será inapelable.

9.- Haberá un premio para a categoría de 5º e 6º de primaria, outro para a categoría de 1º e 2º de ESO e outro para a categoría 3º e 4º de ESO, que consiste nunha tablet para o autor ou autora e un kit de robótica para a súa aula. Asemade, aquel centro que conte con maior participación recibirá un recoñecemento especial da organización.

10.- A convocatoria farase pública o día 28 de xaneiro de 2024, Día da Protección de Datos en Europa, nas páxinas web das institucións convocantes. O fallo do xurado daranse a coñecer no mes seguinte á finalización da recepción de traballos.

11.- A presentación dos traballos a este concurso supón a expresa conformidade dos autores coas bases do mesmo. Calquera traballo que non cumpra co requirido na presente convocatoria será descualificado.

12.- De conformidade coa Lei Orgánica 3/2018, de 5 de decembro, de Protección de Datos Personais e garantía dos dereitos dixitais, os datos persoais recollidos na tramitación desta convocatoria, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro co obxecto de xestionar o presente procedemento, así como para informar as persoas interesadas sobre o seu desenvolvemento. O órgano responsable deste ficheiro é o Colexio Profesional de Enxeñaría en Informática de Galicia.

Os dereitos sobre estes datos poderanse exercer ante a Colexio Profesional de Enxeñaría en Informática de Galicia. mediante o envío dunha comunicación ao seguinte enderezo:

*Rúa Fernando III O Santo 13 1ªA
Teléfono: 981 592 773 – Fax: 981 553 997
15701 Santiago de Compostela (A Coruña)*

13.- As obras presentadas pasarán a ser propiedade da organización do concurso e as autoras e autores cederán os dereitos de reprodución das súas obras.

14.- A participación neste concurso, implica a aceptación destas bases e a decisión do xurado.